

რისკი №4

სცენარი - მეწყერი

ხობის მუნიციპალიტეტის ტერიტორიაზე სსიპ გარემოს ეროვნული სააგენტოს საინფორმაციო ბიულეტენის თანახმად მეწყრის 20-მდე კერა ფიქსირდება, რომლებიც ძირითადად დასახლებულ პუნქტების მიმდებარედ ან უშუალოდ დასახლებულ პუნქტებშია. მეწყრული პროცესების გამო მუნიციპალიტეტს აღრიცხული აქვს კრიტიკული უბნები და საცხოვრებელი სახლები, რომლებიც შესაძლოა ექვემდებარებოდნენ გასახლებას ან შეკეთებას.

მარტის თვეში ხობის მუნიციპალიტეტის მოსახლეობიდან 12:00 სთ-ზე შემოვიდა შეტყობინება მასზედ რომ, ნოჯიხევის ადმინისტრაციული ერთეულის ტერიტორიაზე გააქტიურდა მეწყრული პროცესები, ხდება სახლების დაზარადა და წარმოქმნილია ნგრევის საფრთხე.

12:02 სთ-ზე გავიდა 1 სახანძრო-სამაშველო ავტომანქანა 4 მეხანძრე-მაშველით. ადგილზე მისულ სახანძრო-სამაშველო ეკიპაჟს 12:30 სთ-ზე დახვდა შემდეგი სახის სურათი: მეწყრული პროცესების გამო დაზიანებულია 7 სახლი, რომლებისგანაც კრიტიკულია 4 სახლი, ხოლო დანარჩენები ნგრევის საფრთხის წინაშეა.

აღნიშნული ვითარება ეცნობა შტაბის უფროსს, რომელმაც დაუყოვნებლივ მოიწვია საგანგებო შტაბი. შტაბი მუნიციპალიტეტის მერიის შენობაში შეიკრიბა დაახლოებით 12:50 წუთზე. შტაბის უფროსის გადაწყვეტილებით საჭიროა შტაბი გავიდეს შემთხვევის ადგილზე. ადგილზე მისვლისას მობილიზებულია საგანგებო შტაბის ყველა პასუხისმგებელი პირი და ამოქმედებენ საკუთარ ფუნქციებს, ადგილზეა სამედიცინო დახმარების მანქანა და საექიმო ჯგუფი, პოლიციის თანამშრომლები და მობილიზებულია ავტოტექნიკა როგორც საევაკუაციოდ ასევე პირველადი სამუშაოების საწარმოებლად (მძიმე ტექნიკა)

სიტუაციის შეფასების შესაბამისად, დახმარების შესახებ მოთხოვნა გაეგზავნა ზუგდიდისა და სენაკის საგანგებო სიტუაციების მართვის სამსახურის სტრუქტურულ ერთეულებს. აღნიშნული ერთეულები ადგილზე გამოცხადდებიან 1 საათის ინტერვალში

13:50 სთ-ზე შტაბი იღებს გადაწყვეტილებას, რომ ევაკუაციას ექვემდებარება მინიმუმ 7 ოჯახი, საორიენტაციოდ 25-35 ადამიანი.

აღნიშნული პირების საევაკუაციოდ გამოიყო დაახლოებით 1 საათი. ევაკუაციის სამუშაოებს ხელმძღვანელობს შტაბის უფროსი.

ადგილზე ხორციელდება ევაკუირებულთა რეგისტრაცია/აღრიცხვა ასევე აღირიცხება მოსახლეობისაგან მიღებული ინფორმაცია, მათ ხელთ არსებული, ზონაში დარჩენილი მატერიალური სიკეთეების შესახებ.

ევაკუირებულთა ნაკადი მიემართება სოფ. ნოჯიხევის ცენტრის მიმართულებით, სადაც განთავსებულია ნოჯიხევის საჯარო სკოლა და საბავშვო ბაღი.

საგანგებო სიტუაციების მართვის სამსახურის თანამშრომლების მიერ ხორციელდება სახლების გადამოწმება და აღნიშვნას უკეთებენ რომელიც ცარიელია. პოლიციის თანამშრომლების მიერ გადაკეტილია სოფელში შემავალი ყველა გზა და არეგულირებენ სატრანსპორტო საშუალებების მოძრაობას, ხმამაღლა მოლაპარაკე ავტომანქანებით აწვდიან ინფორმაციას მოსახლეობას რომ მივიდნენ საევაკუაციო პუნქტში და დაელოდონ შესაბამის სამაშველო ჯგუფებს.

დაცვის პოლიციის თანამშრომლები იცავენ ზონას რათა დაცული იქნას მოსახლეობის ქონება. პარალელურად ხორციელდება ზონაში მყოფი პირუტყვისა და ფრინველის გაყვანა უსაფრთხო ადგილას და ხდება მათი აღრიცხვა.

სსიპ გარემოს ეროვნული სააგენტოსგან შტაბი იღებს ინფორმაციას, რომ მეწყრული პროცესები სავარაუდოდ შეჩერდება მეორე დღის დილის 10:00 საათისათვის.

ამ პერიოდის განმავლობაში ადგილზე რჩება სახანძრო სამაშველო ძალები, პოლიციის და სამედიცინო დახმარების ჯგუფები;

შტაბი ბრუნდება ხობის მუნიციპალიტეტის მერიაში, სადაც მიმდინარეობს შემდგომი ღონისძიებების დაგეგმვითი შეხვედრა.

მეორე დღის 10:00 საათისათვის სტიქიის ზონაში მობილიზებულია მძიმე ტექნიკა, მერიის შესაბამისი სამსახურები და სამაშველო ძალები.

იწყება დაზიანებული შენობების აღრიცხვა, საჭიროების შემთხვევაში მათი დემონტაჟი, ზარალის დათვლა, და შენობებიდან მატერიალური ფასეულობების გამოტანა, რომელიც შესაძლებელია მიემართება სოფლის სკოლასა და ადმინისტრაციულ შენობაში.

აღდგენითი სამუშაოებისათვის მერიის შესაბამისი სამსახურები საგანგებო სიტუაციების მართვის სამსახურთან ერთად გეგმავენ შემდგომ ღონისძიებებს, როგორცაა ევაკუირებულთა დროებითი განთავსების ადგილები (ქირით ან სხვა სახით), დაზიანებული შენობების აღდგენა (შესაძლებლობის შემთხვევაში) და ალტერნატიული საცხოვრისის მოძიება.

საგანგებო სიტუაციის განვითარების სცენარის მიხედვით გასატარებელი ღონისძიებები

პ რ ე ვ ე ნ ც ი ა

პრევენციის უმთავრესი მიზანია და გულისხმობს მუნიციპალური ორგანოების, ორგანიზაციებისა და მოსახლეობის მონაწილეობით, მშვიდობიანობის და საომარი მოქმედებების დროს წარმოქმნილი საგანგებო სიტუაციებისაგან მოსახლეობის სიცოცხლის, ჯანმრთელობის, ქონების და გარემოს დაცვის მიზნით საგანგებო სიტუაციების პრევენციული ღონისძიებების მუდმივად ორგანიზებას საგანგებო სიტუაციების პრევენციული ღონისძიებების ორგანიზება ხორციელდება საგანგებო მართვის გეგმების საფუძველზე, საგანგებო სიტუაციების განვითარების სავარაუდო სცენარების მიხედვით.

წინამდებარე საგანგებო მართვის გეგმის მიხედვით გამოვლენილი რისკი №4-ის (მეწყერი) ფარგლებში გასატარებელი პრევენციული ღონისძიებები:

N	ღონისძიების დასახელება	ღონისძიების განხორციელებაზე პასუხისმგებელი პირი	ღონისძიების განხორციელებაში დამხმარე პირები	განხორციელების ვადები	შენიშვნა
1	საორიენტაციო სტიქიის ზონებში არსებული ავარიული სახლების აღრიცხვა, მათი მდგომარეობის დადგენა	მერია	საგანგებო სიტუაციების მართვის სამსახურთან კოორდინაციით	აგვისტო სექტემბერი	
2	კრიტიკულად დაზიანებული სახლებში მოსახლე პირებისათვის ალტერნატიული საცხოვრისით უზრუნველყოფა	მერია		მომავალი წლის ბოლოსთვის	
3	მეწყერული პროცესების	მერია	საჭიროების შემთხვევაში	მარტი აპრილი	

	საწინააღმდეგო ინფრასტრუქტურის მოწყობა (ნოჯიხევის ადმინისტრაციული ერთეული)		ტენდერით გამოვლენილი კომპანიები		
4	საგზაო ინფრასტრუქტურის (გზების, ხიდების) მოწყობა/განახლება რათა დროულად განხორციელდეს დახმარების ფუნქციების ამოქმედება	მერია	საჭიროების შემთხვევაში ტენდერით გამოვლენილი კომპანიები	ორი თვის ვადა	
5	ფოთლოვან და წიწვოვან სახეობათა განაშენიანება მეწყერსაშიშ ზონებში (ნოჯიხევის ადმინისტრაციული ერთეული)	მერია	საჭიროების შემთხვევაში ტენდერით გამოვლენილი კომპანიები	მარტი აპრილი	
6	არსებული გრუნტის წყლებისათვის გამტარი ჭაბურღილების ან არხების მოწყობა	მერია	საჭიროების შემთხვევაში ტენდერით გამოვლენილი კომპანიები	მარტი აპრილი	

მ ზ ა დ ე ყ ო ფ ნ ა

წინამდებარე საგანგებო მართვის გეგმის მიხედვით გამოვლენილი რისკი №4-ის (მეწყერი) ფარგლებში გასატარებელი მზადყოფნის ღონისძიებები:

N	გასატარებელი ღონისძიებები	უწყება	განხორციელების ვადები	შენიშვნა
1	დაინტერესებული საზოგადოებისათვის (პირველ რიგში რისკის არეალში მაცხოვრებლები) ცნობიერების ამაღლების ტრენინგები/სწავლება მეწყერულ და მასთან დაკავშირებულ სხვა თემებზე	საგანგებო სიტუაციების მართვის სამსახური	კალენდარული წლის ოქტომბერი-ნოემბერი, მარტი-აპრილი	
2	საევაკუაციო წვრთნა (ნოჯიხევის ადმინისტრაციული ერთეული)	საგანგებო სიტუაციების მართვის სამსახური სსიპ ეროვნულ სატყეო სააგენტოსთან და მერიასთან კოორდინაციით	არანაკლებ წელიწადში ერთხელ	

3	სამაშველო-სახანძრო აღჭურვილობის ვარგისიანობის შეფასება და სრულყოფა-განახლება	საგანგებო სიტუაციების მართვის სამსახური	არანაკლებ წელიწადში ერთხელ	
4	მერიის საფინანსო-საბიუჯეტო სამსახური უზრუნველყოფს მუნიციპალიტეტის ტერიტორიაზე არსებულ სასტუმროსთან და სასტუმრო სახლებთან მოლაპარაკებას, საგანგებო სიტუაციების დროს ევაკუირებულ მოქალაქეთა განთავსებისათვის და ფასთა კვლევას მომდევნო წლის ბიუჯეტის დაგეგმვისას საორიენტაციო ხარჯების გათვალისწინებისათვის	მერია	კალენდარული წლის სექტემბერი-ნოემბერი (მომდევნო წლის დასაგეგმად)	
5	მერიის საფინანსო-საბიუჯეტო სამსახური, უზრუნველყოფს მოთხოვნის შემუშავებას და შესაბამისი ანგარიშგების შედგენას პირველადი მოხმარების საგნების შეძენისა და მზადყოფნისათვის (პრიორიტეტულია საძილე ტომრები, კარვები, მედიკამენტები.)	მერია	კალენდარული წლის სექტემბერი-ნოემბერი (მომდევნო წლის დასაგეგმად)	
6	მერიის საფინანსო-საბიუჯეტო სამსახური და ეკონომიკური განვითარებისა და ქონების მართვის სამსახური ერთად უზრუნველყოფენ საგანგებო სიტუაციების დროს საევაკუაციო მოქალაქეთა ტრანსპორტირებისათვის საჭირო ტრანსპორტის მოძიებას მუნიციპალიტეტში არსებულ კერძო ან/და საჯარო პირებთან მოლაპარაკებების გზით, საამისოდ საფინანსო-საბიუჯეტო უზრუნველყოფს შესაბამისი წლის ბიუჯეტში ფინანსების მობილიზებას.	მერია	კალენდარული წლის სექტემბერი-ნოემბერი (მომდევნო წლის დასაგეგმად)	
8	მერიის საფინანსო-საბიუჯეტო სამსახური უზრუნველყოფს საგანგებო სიტუაციების დროს საევაკუაციო მოქალაქეთა საკვებით უზრუნველყოფისათვის საჭირო მარაგების მოძიებას მუნიციპალიტეტში არსებულ საკვების მიმწოდებელ დაწესებულებებთან წინასწარი მოლაპარაკებების გზით, საამისოდ საფინანსო-საბიუჯეტო უზრუნველყოფს შესაბამისი წლის ბიუჯეტში ფინანსების მობილიზებას.	მერია	კალენდარული წლის სექტემბერი-ნოემბერი (მომდევნო წლის დასაგეგმად)	

რეაგირება

არსებული ინფორმაციის საფუძველზე იგეგმება საგანგებო სიტუაციების შედეგების სალიკვიდაციო და სხვა გადაუდებელი ღონისძიებები, ხდება საჭირო საავარიო-სამაშველო ძალებისა და საშუალებების განსაზღვრა.

საგანგებო სიტუაციებზე რეაგირების მართვის უზრუნველყოფის ღონისძიებებია:

- ა) განგაშის გამოცხადება და შეტყობინება;
- ბ) საველე ოპერაციების ცენტრის გაშლა და საგანგებო რეაგირების ჯგუფების დაკომპლექტება;
- გ) საგანგებო სიტუაციების ზონებიდან ინფორმაციის მიღება, გადამუშავება, საგანგებო ვითარების შეფასება და შესაბამისი ღონისძიებების დაგეგმვა;
- დ) საგანგებო სიტუაციების ზონებში საგანგებო სიტუაციებზე რეაგირებისა და მათი შედეგების ლიკვიდაციის (საავარიო-სამაშველო, ადამიანთა ძებნის, სამაშველო და სხვა გადაუდებელი სამუშაოების) განხორციელება;
- ე) ოპერაციების კოორდინირება;
- ვ) ლოჯისტიკური უზრუნველყოფა;
- ზ) ბრძანებების გაცემა და მათი შესრულების კონტროლი;
- თ) ინფორმაციის მართვა;
- ი) მოთხოვნების დამუშავება ეროვნული დახმარების შესახებ;
- კ) რესურსების მიღება და მართვა;
- ლ) რეაგირების ძალების პერსონალის უსაფრთხოების და ჯანმრთელობის დაცვის უზრუნველყოფა;
- მ) ფინანსების მართვა;
- ნ) დაზვერვითი ოპერაციების ჩატარება, შემფასებელი პერსონალის ან ჯგუფის მოქმედებაში მოყვანა და გეოგრაფიულ-ინფორმაციული სისტემების ამოქმედება (GIS);
- ო) საგანგებო სიტუაციების დროს არასამთავრობო და საერთაშორისო სამაშველო ჯგუფების გამოყენების ორგანიზება.

დაუყოვნებლივ იწყება საავარიო-სამაშველო, ადამიანთა ძებნის, სამაშველო და სხვა გადაუდებელი სამუშაოების, სამედიცინო დახმარების, საევაკუაციო, გზების გაწმენდის ორგანიზება.

საგანგებო სიტუაციის ზონაში მოსახლეობის ევაკუაციის უზრუნველყოფის მიზნით იხსნება ევაკუირებულთა შემკრები, საშუალოდ, მიმდები პუნქტების. შესაბამისად, ორგანიზება უკეთდება ევაკუირებულთა აღრიცხვის, სამედიცინო დახმარების, სურსათით, ცხოველის საკვებისა და პირველადი მოხმარების საგნებით, წყლის აუცილებელი მარაგით და საცხოვრებლით უზრუნველყოფას.

ორგანიზება უკეთდება მოსახლეობის სახანძრო, საინჟინრო, ქიმიური, რადიაციული, სამედიცინო, ბიოლოგიური და ფსიქოლოგიური დაცვის ღონისძიებებს

წინამდებარე საგანგებო მართვის გეგმის მიხედვით გამოვლენილი რისკი N4-ის (მეწყერი) ფარგლებში გასატარებელი რეაგირების ღონისძიებები:

N	გასატარებელი ღონისძიებები	პასუხისმგებელი პირი	განხორციელების ვადები	შენიშვნა
1	საგანგებო სიტუაციის პირველადი ფორმირების ზონაში სამაშველო ჯგუფის გაგზავნა	საგანგებო სიტუაციის შტაბის უფროსი	„სთ“+5წთ	
2	საგანგებო სიტუაციის ზონიდან მიღებული ინფორმაციის საფუძველზე ვითარების შეფასება, ხელმძღვანელის ინფორმირება და	საგანგებო სიტუაციის შტაბის უფროსი	„1 სთ“+10 წთ	

	გადაწყვეტილების მიღება განგაშის გამოცხადებასა და შტაბის შეკრების თაობაზე			
3	განგაშის გამოცხადება	„-----“	„სთ“+15 წთ	
4	შეტყობინება ეგზავნება მუნიციპალიტეტის საგანგებო სიტუაციების მართვაზე პასუხისმგებელ პირს.	„-----“	„სთ“+20 წთ	
5	იკრიბება საგანგებო მართვის შტაბი	„-----“	„სთ“+30 წთ	
6	სამაშველო (და საჭიროების შემთხვევაში) ხანძარსაწინააღმდეგო ღონისძიებების გატარება.	საგანგებო შტაბი	„სთ“+40 წთ	
7	საევაკუაციო ქმედებებში ჩართული პერსონალის, მოსახლეობისა და ადგილზე მყოფი სხვა პირების ინდივიდუალური დაცვის საშუალებებით უზრუნველყოფა, სამკურნალო, სანიტარულ_ჰიგიენური და ეპიდემსაწინააღმდეგო ღონისძიებების გატარება.	საგანგებო სიტუაციის მართვის უფროსის მოადგილე	„სთ“+1სთ	
8	მოსახლეობისა და ადგილზე მყოფი სხვა პირების ევაკუაცია საგანგებო სიტუაციის განვითარების ადგილიდან.	„-----“	„სთ“+1სთ და 30 წთ	
9	მატერიალურ ფასეულობათა ევაკუაცია უსაფრთხო ზონებში, შესაბამისი დაცვის ორგანიზება.	„-----“	„სთ“+2სთ	
10	მართვის კავშირგაბმულობის და შეტყობინების სისტემების მუდმივი მზადყოფნის უზრუნველყოფის მიზნით ინფორმაციის დაზუსტება და შესაბამისი ზომების მიღება	მერიის ადმინისტრაციული სამსახური	„სთ“+1სთ ყოველ საათში განმეორებით	
11	საზოგადოებრივი წესრიგის დაცვის უზრუნველყოფის, მათ შორის სატრანსპორტო მიმოსვლის რეგულირების მიზნით გადაწყვეტილებების მიღება და განკარგულების გაცემა	„-----“	„სთ“+3სთ	
12	საგანგებო სიტუაციების ზონიდან განახლებული ინფორმაციის საფუძველზე საგანგებო ვითარების შეფასება და მიღებული გადაწყვეტილებების საფუძველზე დავალებების გაცემა	„-----“	„სთ“+4სთ	
13	დახმარების საჭიროების შემთხვევაში წინადადებების მომზადება და ხელმძღვანელობის წინაშე დასახვა	„-----“	„სთ“+5სთ	
14	ხელმძღვანელობის წინაშე (დოკუმენტირება) ანგარიშის მომზადება და გაგზავნა.	„-----“	„სთ“+6სთ და შემდგომ ყოველ ექვს საათში	

თუ მეწყერმა გამოიწვია ხანძრის (ნგრევების) შემთხვევა

ხანძრის წარმოქმნის შემთხვევაში თუ საშიშროება ემუქრება, ორგანიზებული უნდა იქნას ევაკუაცია და შესრულდეს საგანგებო სიტუაციის დროს წარმოქმნილი განსაკუთრებული შემთხვევებისას გასატარებელი ღონისძიებების გეგმის (ცხრილის (N1) სახით მოცემული ქვემოთ) გათვალისწინებული 1-4 პუნქტებით გათვალისწინებული ქმედებები.

N	გასატარებელი ღონისძიებები	განხორციელების ვადები (დრო მითითებული სიტუაციის დადგომიდან)	განხორციელებაზე პასუხისმგებელი პირები
1	ობიექტიდან გაყვანილი იქნას მასში მყოფი პირები უსაფრთხო ადგილას.	„სთ“+0.3 სთ	საგანგებო შტაბის უფროსი შტაბის უფროსის მოადგილე მატერიალურ-ტექნიკური უზრუნველყოფის დარგში, სატრანსპორტო უზრუნველყოფაზე პასუხისმგებელი პირი, სურსათითა და წყლით უზრუნველყოფაზე პასუხისმგებელი პირი
2	მოხდეს სახანძრო-სამაშველო ჯგუფის მიერ ჩასატარებელი სამუშაოების ორგანიზება. წარმოქმნილი დაზიანების კერების ლიკვიდაცია.	„სთ“+0.5 სთ	შტაბის უფროსი
3	სამედიცინო ჯგუფმა განახორციელოს დაზარალებულთათვის დახმარება.	„სთ“+0.5 სთ	შტაბის უფროსი სამედიცინო უზრუნველყოფაზე პასუხისმგებელი პირი
4	შემოწმდეს შენობა/ობიექტიდა აღდგეს მისი ფუნქციონირება	ხანძრის (ნგრევის შედეგების) ლიკვიდაციის შემდეგ	შტაბის უფროსი

აღდგენა

წინამდებარე საგანგებო მართვის გეგმის მიხედვით გამოვლენილი რისკი N4-ის (მეწყერი) ფარგლებში გასატარებელი აღდგენის ღონისძიებები:

1. საგანგებო სიტუაციების მართვის სამსახური და მერიის შესაბამისი სამსახური არსებობის შემთხვევაში ამოწმებს რისკის ზონაში არსებული საცხოვრებელ და დამხმარე ნაგებობებს, მათი დაზიანების ხარისხს კომპეტენციის ფარგლებში.
2. ხორციელდება სტიქიის ზონის მონიტორინგი
3. ხორციელდება საკომუნიკაციო ქსელების მონიტორინგი
4. ხორციელდება დაზიანებული ინფრასტრუქტურის აღდგენა განახლება
5. ხორციელდება ზარალის დათვლა და შესაბამისი სალიკვიდაციო სამუშაოები
6. მას შემდეგ რაც მოხდება სტიქიის შედეგად დაზარალებული ადგილების შემოწმება და კომუნიკაციების აღდგენა, ასევე შენობების სასიცოცხლოდ ვარგისიანობის შემოწმება, შტაბის უფროსი ნებას რთავს მოსახლეობას დაბრუნდეს საკუთარ საცხოვრებელ ადგილას.